

古文典刑

下

番外書坊

集選

新刊

漢書門類			
八	七	六	類
三	七	三	號
冊	架	函	號

內閣文庫		
二〇七函	三八五三號	和書類
七架	三冊	

內閣文庫		
番號	和	38553
冊數	3	( 3 )
函號	207	165




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





此春秋辭令句  
勢最大結構最  
奇者

古文典刑卷下



賴襄子成評選

男 賴復士剛

全校

男 賴醇子春

春秋文

絕秦書

晉厲公

昔逮我獻公及穆公相好戮力同心申之以盟誓  
重之以婚姻天禍晉國文公如齊惠公如秦無祿  
獻公即世穆公不忘舊德俾我惠公用能奉祀于

古文典刑卷下

春秋文

也字住

矣字斷

也字住

晉又不能成大勳而為韓之師亦悔于厥心用集  
 我文公是穆之成也文公躬擐甲胄跋履山川踰  
 越險阻征東之諸侯虞夏商周之胤而朝諸秦則  
 亦既報舊德矣鄭人怒君之疆場我文公帥諸侯  
 及秦圍鄭秦大夫不詢於我寡君擅及鄭盟諸侯  
 疾之將致命于秦文公恐懼綏靜諸侯秦師克還  
 無害則是我有大造于西也無祿文公即世穆為  
 不弔蔑死我君寡我襄公送我殽地奸絕我好伐  
 我保城殄滅我費滑散離我兄弟撓亂我同盟傾  
 覆我國家我襄公未忘君之舊勳而懼社稷之隕

字烹句錄

也字住

乎字頓挫  
 史公項羽紀以  
 東西二字為眼  
 此書亦然  
 隨筆帶出獻穆  
 字回願首段

是以有殽之師猶願赦罪于穆公穆公弗聽而即  
 楚謀我天誘其衷成王隕命穆公是以不克逞志  
 于我穆襄即世康靈即位康公我之自出又欲闕  
 翦我公室傾覆我社稷帥我蝥賊以來蕩搖我邊  
 疆我是以有令狐之役康猶不悛入我河曲伐我  
 涑川俘我王官翦我羈馬我是以有河曲之戰東  
 道之不通則是康公之絕我好也及君之嗣也我  
 君景公引領西望曰庶撫我乎君亦不惠稱盟利  
 吾有狄難入我河縣焚我箕郛芟蕘我農功虔劉  
 我邊陲我是以有輔氏之聚君亦悔禍之延而欲

二也字搖曳作  
態

一篇歸宿處

微福于先君獻穆使伯車來命我景公曰吾與女  
同好棄惡復脩舊德以追念前勳言誓未就景公  
即世我寡君是以有令狐之會君又不祥背棄盟  
誓白狄及君同州君之仇讎而我昏姻也君來賜  
命曰吾與女伐狄寡君不敢顧昏姻畏君之威而  
受命于吏君有二心於狄曰晉將伐女狄應且憎  
是用告我楚人惡君之二三其德也亦來告我曰  
秦背令狐之盟而來求盟于我昭告昊天上帝秦  
三公楚三王曰余雖與晉出入余唯利是視不穀  
惡其無成德是用宣之以懲不壹諸侯備聞此言

矣字斷

斯是以痛心疾首矐就寡人寡人帥以聽命唯好  
是求君若惠顧諸侯矜哀寡人而賜之盟則寡人  
之願也其承寧諸侯以退豈敢微亂君若不施大  
惠寡人不佞其不能以諸侯退矣敢盡布之執事  
俾執事實圖利之

與范宣子書

公孫僑

子為晉國四隣諸侯不聞令德而聞重幣僑也惑  
之僑聞君子長國家者非無賄之患而無令名之  
難夫諸侯之賄聚於公室則諸侯貳若吾子賴之  
則晉國貳諸侯貳則晉國壞晉國貳則子之家壞

以壞字起基字

春秋人引證譬  
喻之法具此一  
書

以載字叔與字

一篇莊雅文字

以奇崛狀之方  
乃可誦

何沒沒也將焉用賄夫令名德之與也德國家之  
基也有基無壞無亦是務乎有德則樂樂則能久  
詩云樂只君子邦家之基有令德也夫上帝臨女  
無貳再心有令名也夫恕思以明德則令名載而  
行之是以遠至邇安母寧使人謂子子實生我而  
謂子浚我以生乎象有齒以焚其身賄也

世說新語卷下

三

陳情獻狀之祖

磬口以臣字先

王字對起

以臣字先王字  
錯綜

君即先王士即  
臣

大戰國文  
且答燕惠王書  
臣不佞不能奉承先王之教以順左右之心恐抵  
斧質之罪以傷先王之明而又害於足下之義故  
遁逃奔趙自負以不肖之罪故不敢為辭說今王  
使使者數之罪故臣恐侍御者之不察先王之所  
以畜幸臣之理而又不白於臣之所以事先王之  
心故敢以書對臣聞賢聖之君不以祿私其親功  
多者授之不以官隨其愛能當者處之故察能而  
授官者成功之君也論行而結交者立名之士也

臣不佞不能奉承先王之教以順左右之心恐抵  
斧質之罪以傷先王之明而又害於足下之義故  
遁逃奔趙自負以不肖之罪故不敢為辭說今王  
使使者數之罪故臣恐侍御者之不察先王之所  
以畜幸臣之理而又不白於臣之所以事先王之  
心故敢以書對臣聞賢聖之君不以祿私其親功  
多者授之不以官隨其愛能當者處之故察能而  
授官者成功之君也論行而結交者立名之士也

古文典刊卷下

戰國文

四

世知此書為出  
師表藍本而不  
知此一段又為  
隆中對淵源

臣以所學者觀之。先王之舉錯有高世之心。故假節於魏王。而以身得察於燕。先王過舉擢之乎賓客之中。而立之乎群臣之上。不謀於父兄。而使臣為亞卿。臣自以為奉令承教。可以幸無罪矣。故受命而不辭。先王命之曰。我有積怨深怒於齊。不量輕弱。而欲以齊為事。臣對曰。夫齊霸國之餘教。而驟勝之遺事也。閉於兵甲。習於戰攻。王若欲伐之。則必舉天下而圖之。舉天下而圖。莫徑於結趙矣。且又准北宋地。楚魏之所同願也。趙若許約。楚趙宋盡力。四國攻之。齊可大破也。先王曰。善。臣乃口

不以功自稱何  
等婉曲

以功名二字為  
眼而最後以義  
字陪輔乃知教

受令具符節。南使臣於趙。顧反命。起兵隨而攻齊。以天之道。先王之靈。河北之地。隨先王舉而有之。於濟上。濟上之軍。奉令擊齊。大勝之。輕卒銳兵。長驅至國。齊王逃遁。走莒。僅以身免。珠玉財寶車甲珍器。盡收入於燕。大呂陳於元英。故鼎反乎曆室。齊器設於寧臺。薊丘之植。植於汶篁。自五伯以來。功未有及先王者也。先王以為順于其志。以臣為不頓命。故裂地而封。使之得比乎小國諸侯。臣不佞。自以為奉令承教。可以幸無罪矣。故受命而不辭。臣聞賢明之君。功立而不廢。故著於春秋。蚤知

之學不止功名

之士名成而不毀故稱於後世若先王之報怨雪  
耻夷萬乘之強國收八百歲之蓄積及至棄群臣  
之日餘教未衰執政任事之臣修法令慎庶孽施  
及萌隸皆可以教於後世臣聞之善作者不必善  
成善始者不必善終昔者伍子胥說聽乎闔閭故  
吳王遠迹至於郢夫差弗是也賜之鴟夷而浮之  
江故吳王夫差不悟先論之可以立功故沈子胥  
而不悔子胥不蚤見主之不同量故入江不改夫  
免身全功以明先王之迹者臣之上計也離毀辱  
之非墮先王之名者臣之所大恐也臨不測之罪

四段皆以臣聞  
起曰以所學者  
觀之曰數奉教  
於君子陸宜公  
所謂上不負所  
事下不負所學  
者可謂異代同  
心

以幸為利者義之所不敢出也臣聞古之君子交  
絕不出惡聲忠臣之去也不潔其名臣雖不佞數  
奉教於君子矣恐侍御者之親左右之說而不察  
疏遠之行也故敢以書報惟君之留意焉

此處為書寫或印刷的模糊文字，內容難以辨認。

秦文

諫逐客書

李斯

臣聞吏議逐客，竊以為過矣。昔者繆公求士，西取由余於戎，東得百里奚於宛，迎蹇叔於宋，求丕豹、公孫支於晉。此五人者，不產於秦，而繆公用之，並國二十，遂霸西戎。孝公用商鞅之法，移風易俗，民以殷盛，國以富彊，百姓樂用，諸侯親服，獲楚魏之師，舉地千里。至今治彊，惠王用張儀之計，拔三川之西，并巴蜀，北收上郡，南取漢中，包九夷，制鄢郢，東據成臯之險，割膏腴之壤，遂散六國之從，使之

奏劾辨白之祖  
凡文豐釋者闕  
痛切直截者苦  
枯淡此兼之矣

二而字四今字  
二何也字三則  
是字虛字拉雜  
見其不平口吻

古文真辨卷下

秦文

七



添向使數句文便流動

一順一逆啣接相生乃不平板

西面而事秦。功施到今。昭王得范雎。廢穰侯。逐華陽。強公室。杜私門。蠶食諸侯。使秦成帝業。此四君者。皆以客之功。由此觀之。客何負於秦哉。向使四君。卻客而不內。疏士而不用。是使國無富利之實。而秦無強大之名也。今陛下致崑山之玉。有階和之寶。垂明月之珠。服太阿之劍。乘織離之馬。建翠鳳之旗。樹靈鼉之鼓。此數寶者。秦不生一焉。而階下悅之。何也。必秦國之所生。然後可。則是夜光之璧。不飾朝庭。犀象之器。不為玩好。而趙衛之女。不充後宮。駿馬馱駝。不實外廐。江南金錫。不為用。西

自必秦國之所生至若是何也刪之亦可然花團錦簇方在此

蜀丹青不為采。所以飾後宮。充下陳。娛心意。悅耳目者。必出於秦。然後可。則是宛珠之簪。傅璣之珥。阿縞之衣。錦繡之飾。不進於前。而隨俗雅化。佳冶窈窕。趙女不立於側也。夫擊甕叩缶。彈箏搏髀。而歌呼嗚嗚。快耳目者。真秦之聲也。鄭衛桑間。韶虞象武者。異國之樂也。今棄擊甕而就鄭衛。退彈箏而取韶虞。若是者何也。快意當前。適觀而已矣。今取人則不然。不問可否。不論曲直。非秦者去。為客者逐。然則是所重者在乎色樂珠玉。而所輕者在乎人民也。此非所以跨海內。制諸侯之術也。臣聞地

聳動之

惘惘之

一篇主意只此二句

廣者粟多國大者人衆兵強則士勇是以泰山不讓土壤故能成其大河海不擇細流故能就其深王者不卻衆庶故能明其德是以地無四方人無異國四時充美鬼神降福此五帝三王之所以無敵也今乃棄黔首以資敵國卻賓客以業諸侯使天下之士退而不敢西向裹足不入秦此所謂藉寇兵而齎盜糧者也夫物不產於秦可寶者多土不產於秦願忠者衆今卻客以資敵國損民以益讎內自虛而外樹怨諸侯求國之無危不可得也

古文典刊卷下

七

西漢文

伐項羽檄

高帝

天下共立義帝北面事之今項羽放殺義帝於江南大逆無道寡人親爲發喪諸侯皆縞素悉發關內兵收三河士南浮江漢以下願從諸侯王擊楚之殺義帝者

賜尉佗書

文帝

皇帝謹問南粵王甚苦心勞意朕高皇帝側室之子葉外奉北藩于代道里遼遠壅蔽樸愚未嘗致書高皇帝葉羣臣孝惠皇帝即位高后自臨事不

此十一句關四百年文章之源

分五段讀古今第一檄文也

揚誠齋云一色

三軍雪涕衣披

山氣力陡然衰

善形容此舉

中朝消息暴白不隱詞譏而意

壯

古文典刊卷下

西漢文

七

在漢之曲不必分疏

此書可續殷誓周誥不可與拘儒言耳

言漢仁

言越暴用雖字忽入彼國事着不忍為句忽入我國事轉換處總不費力

幸有病日進不衰以故諄暴乎治諸呂為變故亂法不能獨制迺取他姓子為孝惠皇帝嗣賴宗廟之靈功臣之力誅之已畢朕以王侯吏不釋之故不得不立今即位乃者聞王遺將軍隆慮侯書求親昆弟請罷長沙兩將軍朕以王書罷將軍博陽侯親昆弟在真定者已遣人存問修治先人冢前日聞王發兵于邊為寇災不止當其時長沙苦之南郡尤甚雖王之國庸獨利乎必多殺士卒傷良將吏寡人之妻孤人之子獨人父母得一亡十朕不忍為也朕欲定地犬牙相入者以問吏吏曰高

謂勢分懸絕本不足爭使其慙服絕妙

金聖嘆曰亦字矣字稍露皇帝風力

帝他制詔規摹三代不如此一

皇帝所以介長沙土也朕不能擅變焉吏曰得王之地不足以為大得王之財不足以為富服領以南王自治之雖然王之號為帝兩帝並立亡一乘之使以通其道是爭也爭而不讓仁者不為也願與王分棄前患終今以來通使如故故使賈馳諭告王朕意王亦受之母為寇患矣上褚五十衣中褚三十衣下褚二十衣遺王願王聽樂娛憂存問隣國

求材詔

武帝

盖有非常之功必待非常之人故馬或奔蹏而致

古文且刪卷下

西漢文

紙表真面目

分四段讀

通篇以敘事為  
議論是不可無  
一不可有二之  
文

為三大段讀凡

讀古文須字少

者多分段字多

者少分段

第一段叙秦未  
大而諸侯甚強

史記卷一百一十五

千里士或有負俗之累而立功名夫泛駕之馬  
弛之士亦在御之而已其令州郡察吏民有茂材  
異等可為將相及使絕國者

過秦論

賈誼

秦孝公據殽函之固擁雍州之地君臣固守以窺  
周室有席卷天下包舉宇內囊括四海之意并吞  
八荒之心當是時商君佐之內立法度務耕織修  
守戰之具外連衡而闘諸侯於是秦人拱手而取  
西河之外孝公既沒惠文武昭襄蒙故業因遺策  
南兼漢中西舉巴蜀東割膏腴之地北收要害之

郡諸侯恐懼會盟而謀弱秦不受珍器重寶肥美  
之地以致天下之士合從締交相與為一當是時  
齊有孟嘗趙有平原楚有春申魏有信陵此四君  
者皆明智而忠信寬厚而愛人尊賢而重士約從  
離衡并韓魏燕趙齊楚宋衛中山之衆於是六國  
之士有寧越徐尚蘇秦杜赫之屬為之謀齊明周  
最陳軫召滑縷綏翟景蘇厲樂毅之徒通其意吳  
起孫臏帶佗兒良王廖田忌廉頗趙奢之明制其  
兵嘗以什倍之地百萬之衆叩關而攻秦秦人開  
關而延敵九國之士逡巡遁逃而不敢進秦無亡

史記卷一百一十五

西漢文

七

賈生恨秦不以  
此計禦陳涉而  
已觀下篇可見  
乃所謂攻守異  
勢者也諸儒解  
為逆取順守遂  
致紛紛使賈生  
本意千載不見  
乃知讀書亦非  
易事  
第二段叙秦極  
大而陳涉至微

失遺鏃之費而天下諸侯已困矣於是從散約解  
爭割地而賂秦秦有餘力而制其弊追亡逐北伏  
尸百萬流血漂櫓因利乘便宰割天下分裂河山  
強國請伏弱國入朝施及孝文王莊襄王享國日  
淺國家無事及至始皇奮六世之餘烈振長策而  
御宇內吞二周而亡諸侯履至尊而制六合執敲  
朴以鞭笞天下威振四海南取百粵之地以為桂  
林象郡百粵之君俛首係頸委命下吏乃使蒙恬  
北築長城而守藩籬却匈奴七百餘里胡人不敢  
南下而牧馬士不敢彎弓而報怨於是廢先王之

然而二字通篇  
機關十門萬戶  
由此開闔坊本  
乃有刪去者何  
哉

道燔百家之言以愚黔首墮名城殺豪俊收天下  
之兵聚之咸陽銷鋒鏃鑄以為金人十二以弱天  
下之民然後踐華為城因河為池據億丈之城臨  
不測之谿以為固良將勁弩守要害之處信臣精  
卒陳利兵而誰何天下已定始皇之心自以為關  
中之固金城千里子孫帝王萬世之業也始皇既  
沒餘威震於殊俗然而陳涉甕牖繩樞之子氓隸  
之人而遷徙之徒也材能不及中庸非有仲尼墨  
翟之賢陶朱倚頓之富躡足行伍之間而倔起阡  
陌之中率罷散之卒將數百之眾而轉攻秦斬木

西漢文

第三段合前二  
意而總斷以一  
句有此頓挫方  
成議論

為兵揭竿為旗天下雲集響應贏糧而景從山東  
豪俊遂竝起而亡秦族矣且夫天下非小弱也雍  
州之地崤函之固自若也陳涉之位不尊於齊楚  
燕趙韓魏宋衛中山之君也鉏耰棘矜不鈇於鉤  
戟長鋌也適戍之衆非抗於九國之師也深謀遠  
慮行軍用兵之道非及曩時之士也然而成敗異  
變功業相反也試使山東之國與陳涉度長絜太  
比權量力則不可同年而語矣然秦以區區之地  
致萬乘之權招八州而朝同列百有餘年矣然後  
以六合為家崤函為宮一夫作難而七廟墮身死

如決積水於千  
仞之谿

經世之文是為  
第一後來六代  
論晉帝紀贊卦  
建論審勢策畧  
諸文莫不出於  
此者  
一段多少轉換  
文心靈動

人手為天下笑者何也仁義不施而攻守之勢異也。

治安第一策

賈誼

夫樹國固必相疑之勢下數被其殃上數爽其慶  
甚非所以安上而全下也今或親爭謀為東帝親  
兄之子西鄉而擊今吳又見告矣天子春秋鼎盛  
行義未過德澤有加焉猶尚如是况莫大諸侯權  
力且十此者乎然而天下少安何也大國之王幼  
弱未壯漢之所置傳相方握其事數年之後諸侯  
之王大抵皆冠血氣方剛漢之傳相稱病而賜罷

金聖嘆曰韓如海蘇如潮二公猶有墻壁可依路逕可覓至治安策則無之真謂之海矣真謂之潮矣

彼自、亟、尉、以、上、徧、置、私、人、如、此、有、異、淮、南、濟、北、之、為、耶、此、時、而、欲、為、治、安、雖、堯、舜、不、治、黃、帝、曰、日、中、必、隳、操、刃、必、割、今、令、此、道、順、而、全、安、甚、易、不、肯、早、為、已、廼、墮、骨、肉、之、屬、而、抗、劉、之、豈、有、異、秦、之、季、世、乎、夫、以、天、子、之、位、乘、今、之、時、因、天、之、助、尚、憚、以、危、為、安、以、亂、為、治、假、設、陛、下、居、齊、桓、之、處、將、不、合、諸、侯、而、匡、天、下、乎、臣、又、知、陛、下、有、所、必、不、能、矣、假、設、天、下、如、曩、時、淮、陰、侯、尚、王、楚、黥、布、王、淮、南、彭、越、王、梁、韓、信、王、韓、張、敖、王、趙、貫、高、為、相、盧、綰、王、燕、陳、豨、在、代、今、此、六、七、公、者、皆、無、恙、當、此、時、而、陛、下、即、天

分論三不能此一節附注前段言所以不能為波瀾

言疏及親押此句為撇開

子、位、能、自、安、乎、臣、有、以、知、陛、下、之、不、能、也、天、下、淆、亂、高、皇、帝、與、諸、侯、並、起、非、有、側、室、之、勢、以、豫、席、之、也、諸、公、幸、者、廼、為、中、涓、其、次、厘、得、舍、人、材、之、不、逮、至、遠、也、高、皇、帝、以、明、聖、威、武、即、天、子、位、割、膏、腴、之、地、以、王、諸、公、多、者、百、餘、城、少、者、三、四、十、縣、惠、至、渥、也、然、其、後、七、年、之、間、反、者、九、起、陛、下、之、與、諸、公、非、親、角、材、而、臣、之、也、又、非、身、封、主、之、也、自、高、皇、帝、不、能、以、是、一、歲、為、安、故、臣、知、陛、下、之、不、能、也、然、尚、有、可、誘、曰、疏、臣、請、試、言、其、親、者、假、令、悼、惠、王、王、齊、元、王、王、楚、中、子、王、趙、幽、王、王、淮、陽、共、王、王、梁、靈、王、王

古文選刪卷下

西漢文

古

燕厲王王淮南六七貴人皆無恙當此時陛下即位能為治乎臣又知陛下之不能也若此諸王名雖為臣實皆有布衣昆弟之心慮不帝制而天子自為者擅爵人赦死罪甚者或戴黃屋漢法令非行也雖行不軌如厲王者令之不肯聽召之安可致乎幸而來至法安可得加動一親戚天下圍視而起陛下之臣雖有悍如馮敬者適啓其口匕首已陷其胃矣陛下雖賢誰與領此故疏者必危親者必亂已然之效也其異姓負強而動者漢已幸勝之矣又不易其所以然同姓襲是跡而動既

言親願疏着此句為收拾

痛哭中亦帶嗚咽聲

一路文勢飛瀉而來以此段翻跌之萬里長河必須有此一洄

有徵矣其勢盡又復然歿既之變未知所移明帝處之尚不能以安後世將如之何屠牛坦一朝解十二年而芒又不頓者所排擊剝割皆衆理解也至於體解之所非斤則斧夫仁義恩厚人主之芒又也權勢法制人主之斤斧也今諸侯王皆衆體解也釋斤斧之用而欲嬰以芒又臣以為不缺則折胡不用之淮南濟北勢不可也臣竊跡前事大抵強者先反淮陰王楚最強則最先反韓信倚胡則又反貫高因趙資則又反陳豨兵精則又反彭越用梁則又反黥布用淮南則又反盧縮最弱最



鄭板橋詩云英雄何必讀書史直搥血性為文章縱橫議論折時事如醫視病進藥方余謂治安策是一篇醫案以上是病因以下是處方

後及長沙乃在二萬五千戶耳功少而最完勢疏而最忠非獨性異人也亦形勢異也曩令樊鄴絳灌據數十城而王今雖以殘凶可也今信越之倫列為徹侯而居雖至今存可也然則天下之大計可知已欲諸王之皆忠附則莫若令如長沙王欲臣子勿菹醢則莫若令如樊鄴等欲天下之治安莫若衆建諸侯而少其力力少則易使以義國小則無邪心令海內之勢如身之使臂臂之使指莫不制從諸侯之君不敢有異心輻湊竝進而歸命天子雖在細民且知其安故天下咸知陛下之明

議論一直下隨乎以五業界畫之如潮勢暴漲而自有層級末又以餘波收之

割地定制令齊趙楚各為若干國使悼惠王幽王元王之子孫畢以次各受祖之分地地盡而止及燕梁他國皆然其分地衆而子孫少者建以為國空而置之須其子孫生者舉使君之諸侯之地其削頗入漢者為徙其侯國及封其子孫也所以數償之一寸之地一人之衆天子亡所利焉誠以定治而已故天下咸知陛下之廉地制壹定宗室子孫莫慮不王下無倍畔之心上無誅伐之志故天下咸知陛下之仁法立而不犯令行而不逆貫高利幾之謀不生柴奇閔章之計不萌細民鄉善大

剗切激昂口角如生

憚字起憚字結文帝病源在此一字

此喻應上身臂

臣致順故天下咸知陛下之義卧赤子天下之上而安植遺腹朝委裘而天下不亂當特大治後世誦聖一動而五業附陛下誰憚而久不為此天下之勢方病大瘡一脛之大幾如要一指之大幾如股平居不可屈信一二指搯身慮亾聊失今不治必為痼疾後雖有扁鵲不能為己病非徒瘡也又苦踈盤元王之子帝之從弟也今之王者從弟之子也惠王者親兄子也今之王者兄子之子也親者或亡分地以安天下疏者或制大權以偏天子臣故曰非徒病瘡也又苦踈盤可痛哭者此病是

西京奏疏多病平直此獨不然

第一段一篇冒頭如制藝破題

第二段承上一段生下兩段如承題

也

貴粟疏

龜錯

聖王在上而民不凍饑者非能耕而食之織而衣之也為開其資財之道也故堯禹有九年之水湯有七年之旱而國亡損瘠者以畜積多而備先具也今海內為一土地人民之衆不遜湯禹加以亡天災數年之水旱而畜積未及者何也地有遺利民有餘力生穀之土未盡墾山澤之利未盡出也游食之民未盡歸農也民貧則姦邪生貧生於不足不足生於不農不農則不地着不地着則離鄉

輕家民如鳥獸雖有高城深地嚴法重刑猶不能  
禁也夫寒之於衣不待輕煖饑之於食不待甘旨  
饑寒至身不顧廉耻人情一日不再食則饑終歲  
不製衣則寒夫腹饑不得食膚寒不得衣雖慈母  
不能保其子君安能以有其民哉明主知其然也  
故務民於農桑薄賦歛廣畜積以實倉廩備水旱  
故民可得而有也民者在上所以牧之趨利如水  
走下四方亡擇也夫珠玉金銀饑不可食寒不可  
衣然而衆貴之者以上用之故也其爲物輕微易  
藏在於把握可以周海內而亡饑寒之患此令臣

兩段皆民字起  
夫字轉故字收  
文法嚴毅類其  
爲人

輕背其主而民易去其鄉盜賊有所勸亡逃者得  
輕資也粟米布帛生於地長於時聚於力非可一  
日成也數石之重中人弗勝不爲姦邪爲利一日  
弗得而饑寒至故明君貴五穀而賤金玉冷農夫  
五口之家其服役者不下二人其能耕者不過百  
晦百晦之收不過百石春耕夏耘秋穫冬藏伐薪  
樵治官府給繇役春不得避風塵夏不得避暑熱  
秋不得避陰雨冬不得避寒凍四時之間亡日休  
息又私自送往迎來吊死問疾養孤長幼在其中  
勤苦如此尚復時被水旱之災急政暴虐賦歛不

第三段第四段  
分說務農貴粟  
第五段說農食  
高富合爲一大  
段如題腹

前兩段兩扇對  
說此一段只用  
矣字而字為過  
脉而未總斷之  
化板為活

時朝令而暮改當其有者半賈而賣亡者取倍稱  
之息於是賈田宅鬻子孫以償債者矣而商賈  
大者積貯倍息小者坐列販賣操其奇贏日游都  
市乘上之急所賣必倍故其男不耕耘女不蠶織  
衣必文采食必梁肉亡農夫之苦有阡陌之得因  
其富厚交通王侯力過吏執以利相傾千里游敖  
冠蓋相望乘堅策肥履絲曳縞此商人所以兼并  
農人農人所以流亡者也今法律賤商人商人已  
富貴矣尊農夫農夫已貧賤矣故俗之所貴主之  
所賤也吏之所卑法之所尊也上下相反好惡乖

迕而欲國富法立不可得也方今之務莫若使民  
務農而已矣欲民務農在於貴粟貴粟之道在於  
使民以粟為賞罰今募天下入粟縣官得以拜爵  
得以除罪如此富人有爵農民有錢粟有所滌夫  
能入粟以受爵皆有餘者也取於有餘以供上用  
則貧民之賦可損所謂損有餘補不足令出而民  
利者也順於民心所補者三一日主用足二日民  
賦少三日勸農功今令民有車騎馬一匹者復卒  
三人車騎者天下武備也故為復卒神農之教曰  
有石城十仞湯池百步帶甲百萬而亡粟弗能守

第六段發務農  
貴粟要着如題  
尾

也、以、是、觀、之、粟、者、王、者、大、用、政、之、本、務、令、民、入、粟、  
受、爵、至、五、大、夫、以、上、迺、復、一、人、耳、此、其、與、騎、馬、之、  
功、相、去、遠、矣、爵、者、上、之、所、擅、出、於、口、而、亡、窮、粟、者、  
民、之、所、種、生、於、地、而、不、乏、夫、得、高、爵、與、免、罪、人、之、  
所、甚、欲、也、使、天、下、人、入、粟、於、邊、以、受、爵、免、罪、不、過、  
三、歲、塞、下、之、粟、必、多、矣、

答任安書

司馬遷

大書讀之祖可  
為五大段讀  
第一段先畧自  
解又謝闕報  
林西仲以不相

太、史、公、牛、馬、走、司、馬、遷、再、拜、言、少、卿、足、下、曩、者、辱、  
賜、書、教、以、慎、於、接、物、推、賢、進、士、為、務、意、氣、懃、懃、懇、  
懇、若、望、僕、不、相、師、而、用、流、俗、人、之、言、僕、非、敢、如、此、

師推賢進士用  
流俗言分屬三  
段拘矣

也、僕、雖、罷、駑、亦、嘗、側、聞、長、者、遺、風、矣、顧、自、以、為、身、  
殘、處、穢、動、而、見、尤、欲、益、反、損、是、以、獨、抑、鬱、而、誰、與、  
語、諺、曰、誰、為、為、之、孰、令、聽、之、蓋、鍾、子、期、歿、伯、牙、終、  
身、不、復、鼓、琴、何、則、士、為、知、己、者、用、女、為、說、己、者、容、  
若、僕、大、質、已、虧、缺、矣、雖、材、懷、階、和、行、若、由、夷、終、不、  
可、以、為、榮、適、足、以、見、笑、而、自、黜、耳、書、辭、宜、答、會、東、  
從、上、來、又、迫、賤、事、相、見、日、淺、卒、卒、無、須、臾、之、間、得、  
謁、指、意、今、少、卿、抱、不、測、之、罪、涉、旬、月、迫、季、冬、僕、又、  
薄、從、上、雍、恐、卒、然、不、可、為、諱、是、僕、終、已、不、得、舒、憤、  
懣、以、曉、左、右、則、長、逝、者、鬼、魄、私、恨、無、窮、請、略、陳、固、

第二段說已刑  
餘不可薦士

陋闕然不報幸勿為過僕聞之修身者智之府也  
愛施者仁之端也取予者義之府也耻辱者勇之  
決也立名者行之極也士有此五者然後可以託  
於世而列於君子之林矣故禍莫憐於欲利悲莫  
痛於傷心行莫醜於辱先詎莫大於官刑刑餘之  
人無所比數非一世也所從來遠矣昔衛靈公與  
雍渠載孔子適陳商鞅因景監見趙良寒心同子  
參乘袁絲變色自古而耻之夫中材之人事有關  
於宦豎莫不傷氣而况於忼慨之士乎如今朝雖  
乏人奈何令刀鋸之餘薦天下豪雋哉僕賴先人

滿腔不平衝吻  
而發故語語稜  
角覺紙上隱起

第三段說已被  
刑之由

緒業得待罪輦轂下二十餘年矣所以自惟上之  
不能納忠效信有奇策材力之譽自結明主次之  
又不能拾遺補闕招賢進能顯巖穴之士外之不  
能備行伍攻城野戰有斬將舉旗之功下之不能  
累日積勞取尊官厚祿以為宗族交遊光寵四者  
無一遂苟合取容無所短長之效可見於此矣鄉  
者僕亦嘗廁下大夫之列陪外廷末議不以此時  
引維綱盡思慮今已虧形為掃除之隸在闕茸之  
中廼欲仰首信眉論列是非不亦輕朝廷羞當世  
之士邪嗟乎嗟乎如僕尚何言哉尚何言哉且事

古文典刑卷下

西漢文

三

子長多愛處其傳入每有此意

本末未易明也。僕少負不羈之才，長無鄉曲之譽。主上幸以先人之故，使得奏薄技出入周衛之中。僕以為戴盆何以望天，故絕賓客之知，忘室家之業。日夜思竭其不肖之材力，務壹心營職以求親媚於主上。而事乃有大謬不然者。夫僕與李陵俱居門下，素非能相善也。趣舍異路，未嘗銜杯酒，接殷勤之餘歡。然僕觀其為人，自守奇士，事親孝，與士信，歸財廉，取予義，分別有讓，恭儉下人，常思奮不顧身，以徇國家之急。其素所畜積也，僕以為有國士之風。夫人臣出萬死，不顧一生之計，赴公家

穀切痛快乃如此後世目文如豆腐湯者曰西京西京可笑

之難斯已奇矣。今舉事壹不當，而全軀保妻子之臣，隨而媒孽其短，僕誠私心痛之。且李陵提步卒不滿五千，深踐戎馬之地，足歷王庭，垂餌虎口，橫挑疆胡，仰億萬之師，與單于連戰十有餘日，所殺過當，虜救死扶傷，不給，氈裘之君長咸震怖，廼悉徵左右賢王，舉引弓之民，一國共攻而圍之。轉鬪千里，矢盡道窮，救兵不至，士卒死傷如積。然陵一呼勞軍，士無不起，躬自流涕，沫血飲泣，更張空弮，冒白刃，北首爭死，敵陵未沒時，使有來報，漢公卿王侯皆奉觴上壽。後數日，陵敗書聞，主上為之食

前日奉觴上壽  
今者不知所出  
全軀保妻子之  
臣固宜如此

不甘味聽朝不怡大臣憂懼不知所出僕竊不自  
料其卑賤見主上慘愴怛悼誠欲効其款款之愚  
以為李陵素與士大夫絕甘分少能得人之死力  
雖古之名將不能過也身雖陷敗彼觀其意且欲  
得其當而報於漢事已無可奈何其所摧敗功亦  
足以暴於天下矣僕懷欲陳之而未有路適會召  
問即以此指推言陵之功欲以廣主上之意塞睡  
眈之辭未能盡明明主不曉以為僕沮貳師而為  
李陵游說遂下於理拳拳之忠終不能自列因為  
誣上卒從吏議家貧貨賂不足以自贖交遊無救

第四段說已被  
刑不灰之故

事末一句從前  
諸注皆屬上段  
結語非是

節節頓挫節節  
掀翻如結如起

視左右親近不為壹言身非木石獨與法吏為伍  
深幽囹圄之中誰可告愬者此真少卿所親見僕  
行事豈不然邪李陵既生降隕其家聲而僕又俱  
之蠶室重為天下觀笑悲夫悲夫事未易一二為  
俗人言也僕之先人非有剖符丹書之功文史星  
歷近乎卜祝之間固主上所戲弄倡優所畜流俗  
之所輕也假令僕伏法受誅若九牛亡一毛與螻  
蟻何以異而世俗又不能與死節者比特以為智  
窮罪極不能自免卒就死耳何也素所自樹立使  
然也人固有一死或重於太山或輕於鴻毛用



無不入妙所謂  
氣昌則言之短  
長與聲之高下  
皆宜者

之所趨異也。太上不辱先，其次不辱身，其次不辱  
理色，其次不辱辭令，其次訕體受辱，其次易服受  
辱，其次關木索，被箠楚，受辱，其次鬻髮，嬰金鐵，  
受辱，其次毀肌膚，斷支體，受辱，最下腐刑，極矣。傳  
曰：刑不上大夫。此言士節不可不勉厲也。猛虎處  
深山，百獸震恐，及其在罝檻之中，搖尾而求食，積  
威約之漸也。故士有畫地為牢，執不可入，削木為  
吏議，不可對定計於鮮也。今交手足，受木索，暴肌  
膚，受榜箠，幽於圜牆之中，當此之時，見獄吏則頭  
搶地視徒隸則心惕息，何者積威約之執也。及已

李陵書非不痛  
快以此書視之  
如巧手質古畫  
其氣暈厚薄不  
能免明眼鑒別

至此言不辱者，所謂彊顏耳。曷足貴乎？且西伯伯  
也，拘、美里，李斯相也，具五刑，淮陰王也，受械於陳，  
彭越、張敖，南鄉稱孤，繫獄抵罪，絳侯誅諸呂，權傾  
五伯，囚於請室，魏其大將也，衣赭衣，關三木，季布  
為朱家鉗奴，灌夫受辱於居室，此人皆身至王侯  
將相，聲聞鄰國，及罪至罔加，不能引決自裁，在塵  
埃之中，古今一體，安在其不辱也。由是言之，勇怯  
執也，彊弱形也，審矣。曷足怪乎？且人不能蚤自財  
繩墨之外，已稍陵夷，至於鞭箠之間，廼欲引節，斯  
不亦遠乎？古人所以重施刑於大夫者，殆為此也。

夫人情莫不貪生惡死。念父母顧妻子。至激於義理者不然。廼有所不得已也。今僕不幸蚤失二親。無兄弟之親。獨身孤立。少卿視僕於妻子何如哉。且勇者不必死節。怯夫慕義。何處不勉焉。僕雖怯栗。欲苟活。亦頗識去就之分矣。何至自湛溺縲紲之辱哉。且夫臧獲婢妾。猶能引決。况若僕之不得已乎。所以隱忍苟活。幽於圜牆之中。而不辭者。恨私心有所不盡。鄙陋沒世。而文采不表於後也。古者富貴而名磨滅者。不可勝記。唯倣儻非常之人。稱焉。蓋西伯拘而演周易。仲尼厄而作春秋。屈原

自事未易為俗  
人言至難為俗  
人言也八百餘  
言須一氣讀

放逐乃賦離騷。左丘失明。厥有國語。孫子贖脚。兵法修列。不韋遷蜀。世傳呂覽。韓非囚秦。說難孤憤。詩三百篇。大抵賢聖發憤之所為作也。此人皆意有所鬱結。不得通其道。故述往事。思來者。及如左丘明無目。孫子斷足。終不可用。退論書策。以舒其憤思。垂空文。以自見。僕竊不遜。近自託於無能之辭。網羅天下放失舊聞。略考其事。綜其終始。替其成敗。興壞之紀。上計軒轅。下至于茲。為十表。本紀十二書。八章。世家三十列傳七十。凡百三十篇。亦欲以究天人之際。通古今之變成一家之言。草創

第五段就被辱  
處餘波流連竟  
塞來意

放聲大哭

未○就○適○會○此○禍○惜○其○不○成○是○以○就○極○刑○而○無○愠○色○  
僕○誠○已○著○此○書○藏○之○名○山○傳○之○其○人○通○邑○大○都○則○  
僕○償○前○辱○之○責○雖○萬○被○戮○豈○有○悔○哉○然○此○可○為○智○  
者○道○難○為○俗○人○言○也○且○負○下○未○易○居○下○流○多○謗○議○  
僕○以○口○語○遇○遭○此○禍○重○為○鄉○黨○所○戮○笑○以○汗○辱○先○  
人○亦○何○面○目○復○上○父○母○之○丘○墓○乎○雖○累○百○世○垢○彌○  
甚○耳○是○以○腸○一○日○而○九○回○居○則○忽○忽○若○有○所○亡○出○  
則○不○知○其○所○往○每○念○斯○耻○汗○未○嘗○不○發○背○露○衣○也○  
身○直○為○閭○閻○之○臣○寧○得○自○引○深○藏○於○巖○穴○邪○故○且○  
從○俗○浮○湛○與○時○俯○仰○以○通○其○狂○惑○今○少○卿○廼○教○以○

千里來龍到頭  
一穴昌黎學此  
作答孟簡書

此哭拭淚

小尺牘之祖學  
乃舅書而風韻  
過之

是一書主意下  
文錯綜疏解

推賢進士。無廼與僕之私。指刺謬乎。今雖欲自彫  
琢。曼辭以自飾。無益於俗。不信。祇足取辱耳。要之  
死日。然後是非廼定。書不能悉意。略陳固陋。謹再  
拜。

答孫會宗書

楊惲

惲材朽行穢。文質無所底。幸賴先人餘業。得備宿  
衛。遭遇時變。以獲爵位。終非其任。卒與禍會。足下  
以哀其愚。蒙賜書教。督以所不及。殷勤甚厚。然竊  
恨足下不深推其終始。而猥隨俗之毀譽也。言鄙  
陋之愚心。則若逆指而文過。默而息乎。恐違孔氏

通篇宜作冷笑  
聲讀  
下三矣字見自  
弄意

各言爾志之義故敢畧陳其愚唯君子察焉憚家  
方隆盛時乘朱輪者十人位在列卿爵爲通侯總  
領從官與聞政事曾不能以此時有所建明以宣  
德化又不能與羣僚同心併力陪輔朝廷之遺忘  
已負竊位素餐之責久矣懷祿貪勢不能自退遂  
遇變故橫被口語身幽北闕妻子滿獄當此之時  
自以夷滅不足以塞責豈意得全首領復奉先人  
之丘墓乎伏惟聖王之恩不可勝量君子游道樂  
以忘憂小人全軀說以忘罪竊自思過已大矣行  
已虧矣長爲農夫以沒世矣是故身率妻子戮力

下二也字文氣  
便宕  
此一段風流千  
古明二李王汪  
輩極力模倣而  
不能及者

耕來灌園治產以給公上不意當復用此爲譏議  
也夫人情所不能止者聖人弗禁故君父至尊親  
送其終也有時而既臣之得罪已三年矣田家作  
苦歲時伏臘烹羊炰羔斗酒自勞家本秦也能爲  
秦聲婦趙女也雅善鼓瑟奴婢歌者數人酒後耳  
熱仰天拊缶而呼烏烏其詩曰田彼南山蕪穢不  
治種一頃豆落而爲箕人生行樂耳須富貴何時  
是日也拂衣而喜奮袖低昂頓足起舞誠淫荒無  
度不知其不可也憚幸有餘祿方糴賤販貴逐什  
一之利此賈豎之事汗辱之處憚親行之下流之

韓柳送序及其  
土風以取韵致  
似自此等來也  
科頭箕踞白眼  
看人

人衆毀所歸不寒而栗雖雅知憚者猶隨風而靡  
尚何繙譽之有董生不云乎明明求仁義常恐不  
能化民者卿大夫之意也明明求財利常恐困乏  
者庶人之事也故道不同不相為謀今子尚安得  
以卿大夫之制而責僕哉夫西河魏土文侯所興  
有段于木甲子方之遺風凜然皆有節槩知去就  
之分頃者足下離舊土歸安定安定山谷之間昆  
戎舊壤子弟貪鄙豈習俗之移人哉於今廼睹子  
之志矣方當盛漢之隆願勉旃毋多談

東漢文

與彭寵書

朱浮

蓋聞智者順時而謀愚者逆理而動嘗竊悲京城  
太叔以不知足而無賢輔卒自棄於鄭也伯通以  
名字典郡有佐命之功臨民親職愛惜倉庫而浮  
秉征伐之任欲權時救急二者皆為國耳即疑浮  
相譖何不詣闕自陳而為族滅之計乎朝廷之於  
伯通恩亦厚矣委以大郡任以威武事有柱石之  
寄情同子孫之親匹夫媵母尚能致命一殮豈有  
身帶三綬職典大郡而不顧恩義生心外叛者乎

先辨大意次就  
恩義情勢責之  
末又為開導之  
言凡五段

一氣呵成勁健  
爽朗在東京為

有數世特誦班  
彪王命而不知  
有此何耳食之  
多也

揅此一段譬喻  
色態濃至否則  
不免寂寥矣

伯通與吏民語何以為顏行步拜起何以為容坐  
卧念之何以為心引鏡窺影何以舒眉目舉措建  
功何以為人惜乎棄休令之嘉名造梟鳴之逆謀  
捐傳葉之慶祈招破敗之重災高論堯舜之道不  
忍桀紂之性生為世笑死為愚鬼不亦哀乎伯通  
與耿俠游俱起佐命同被國恩俠游謙讓屢有降  
挹之言而伯通自伐以為功高天下往時遼東有  
豕生子白頭異而獻之行至河東見郡豕皆白懷  
慙而還若以子之功論於朝廷則為遼東之豕也  
今乃愚妄自比六國六國之時其勢各盛廓土數

結尾名言只兩  
句而情事曲折  
皆盡足以振起  
通体

千里勝兵將百萬故能據國相持多歷年所今天  
下幾里列郡幾城奈何以區區漁陽而結怨天子  
此猶河濱之人捧土以塞孟津多見其不知量也  
方今天下適定海內願安士無賢不肖皆樂立名  
於世而伯通獨中風狂走自捐盛時內聽嬌婦之  
失計外信讒邪之諛言長為羣后惡法永為功臣  
鑿戒豈不悞哉定海內者無私讐勿以前事自疑  
願留意顧老母少弟凡舉事無為親厚者所痛而  
為見讐者所快

前出師表

諸葛亮

語引先主使  
左右小人不得  
開口又明已不  
樹黨營私以預  
防掣肘之患古  
來只極口贊其  
精忠少拈出此  
意

第一段總論內  
外  
公之行文如其  
軍八陳整肅無  
懈可擊然讀者  
要者其陣間容  
陣又要看其遊

臣亮言先帝創業未半而中道崩殂今天下三分  
益州疲敝此誠危急存亡之秋也然侍衛之臣不  
懈於內忠志之士忘身於外者蓋追先帝之殊遇  
欲報之於陛下也誠宜開張聖聽以光先帝遺德  
恢弘志士之氣不宜妄自菲薄引喻失義以塞忠  
諫之路也宮中府中俱為一體陟罰臧否不宜異  
同若有作奸犯科及為忠善者宜付有司論其刑  
賞以昭陛下平明之治不宜徧私使內外異法也  
侍中侍郎郭攸之費禕董允等此皆良實志慮忠  
純是以先帝簡拔以遺陛下愚以為宮中之事

軍二十四陣往  
來照綴

第二段根侍衛  
之臣不解於內  
向來

無大小悉以咨之然後施行必能裨補闕漏有所  
廣益將軍向寵性行淑均曉暢軍事試用於昔日  
先帝稱之曰能是以眾議舉寵以為督愚以為營  
中之事事無大小悉以咨之必能使行陳和穆優  
劣得所也親賢臣遠小人此先漢所以興隆也親  
小人遠賢臣此後漢所以傾頽也先帝在時每與  
臣論此事未嘗不嘆息痛恨於桓靈也侍中尚書  
長史參軍此悉貞亮夙節之臣也願陛下親之信  
之則漢室之隆可計日而待也臣本布衣躬耕南  
陽苟全性命於亂世不求聞達於諸侯先帝不以

東漢文

極叙已初心不及於此

臣卑鄙猥自枉屈三顧臣於草廬之中諮臣以當世之事由是感激遂許先帝以驅馳後值傾覆受任於敗軍之際奉命於危難之間爾來二十有一年矣先帝知臣謹慎故臨崩寄臣以大事也受命以來夙夜憂慮恐付託不效以傷先帝之明故五月渡瀘深入不毛今南方已定甲兵已足當獎師三軍北定中原庶竭駑鈍攘除姦凶興復漢室還於舊都此臣所以報先帝而忠陛下之職分也至於斟酌損益進盡忠言則攸之禕允之任也願陛下託臣以討賊興復之效不效則治臣之罪以告

第三段根忠志之士忘身於外向來

言內事及外事而竟歸內事即常山蛇勢也

先帝之靈若無興德之言則責攸之禕允等之咎以彰其愆陛下亦宜自謀諮諏善道察納雅言以深追先帝遺詔臣不勝受恩感激今當遠離臨表涕泣不知所云



嘉永七年甲寅歲十二月  
大阪雜屋町  
河内屋吉兵衛

嘉永七年甲寅歲十二月

大阪雜屋町

河内屋吉兵衛

賴久太郎輯著  
賴又次郎藏板



